

ኤፍጊቻታ ማጻፋ ጊደ ቆፋ

ኤፍጊቻታ ማጻፋን ጸፊቲዳይ ቢታ ቦላ ኣሳ ዱሲ ቃንሕ ጊደይሳፊካ ቦላራ ዳሮ ሜቶይ፥ ቃጸ ፒርዳይኔ ዳቡራይ ኩሚዳይሳ ኤሪዳ ጊሻስ «ኣሳ ዴኣይ ጮ ሃዳ» ጊዲ ቃቺዳ ኢሲ ኤሪ ኣሳ ቆፋታ። ሄ ኤፍጊቻዛስ ኣሳ ዴኣ ሃኖታ ካሌቲዛ ጸሳ ኦሶ ጽራይ ኤሬቶንታ ኢዲዴስ። ጊደ ኣቲን ኣሲ ባ ዲዛ ላይሕ ኡባን፥ ባስ ዳንዳዬቲዳ ኬና ሚኒ ኦላና ማላኔ ጸሲ ኣሳስ ኢሚዳ ኢሞታታን ኣሲ ኡፋዬታና ማላ ቤሲዛይሳ ዙሬስ። ኤፍጊቻዛ ቆፋታፔ ዳሪዛ ባጋይ ሚሳቶን ቆፋኒኔ ሂዶታ ቃንጸን ኩሚዳይታ፤ ጊደ ኣቲን * ሃይሲ ሃ ማጻፋይ ጌሻ ማጻፋ ጋርሳን ቤቶይ ጌሻ ማጻፋን ጸጺዳ ኣማኖ ሃራይ ኣቶሺን ሃይሳ ሃራ ዲማ ቆፋይኔ ሲዴይ ኢዛን ኩሚዳ ማጻፋካ ጋሏ ኢሲ ቦላ ኦይካና ጋካናስ ኢዚ ኣሆ ጊዲዳይሳ ኤሪሴስ። ሃ ማጻፋዚ ኣሳ ዴኣ ሄሬጋ ማላ ቤሲዛ ጊሻስ ዳሮ ኣሳይ ሃይሳ ሃ ማጻፋዛፔ ባና ሚንሴሊዛ ሚሽ ዴሚዴስ። ሄሳሶካ ሃይታ ሃ ቆፋታ ቤሲዛይ፥ ሃ ኢሲ ጌሻ ማጻፋይ ዴኦስ ጊታ ቢርሼሕ ኢሚዛ ጸሳን ኡፋይስ ኦላና ማላ ዙሪዛይሳ ኣሳይ ኤሪዴስ።

ሃ ማጻፋይ ኦይኪዳ ኩሚሳ ቆፋ

ዱሳ ቢርሼሕ 1:1—2:26

ኡባስ ዋዴይ ዴስ 3:1-8

ዴኣይ ኡባ ዋዴ ሎኦ ጊደንታ ጊሻስ ኣኬካን ዱስ 3:9—6:12

ዴኦሶ ካሌሊዛ ኦጌ 7:1—8:17

ሲንላፊ ኣዚ ሃናናኮ ኤሪዛይ ዴና 9:1—11:6

ጸስ ቦንቾኔ ኢዛስ ኣዛዜቴሕ 11:7—12:14

ኡባይካ ሃዳ

¹ ሃይሲ ዳዊቲ ና

ዬሩሳላሚን ካዎቲዳ

ኤፍጊቻዛ ቃላ።

² ሄ ኤፍጊቻይ፥

* : ሚሴና ጊዛ ቃላዛ ኢሲ ኢሲ ባጋን ጸሴ ጊሺን ሃራ ባጋን ጸሳ ዋይኮ ፓልቄ ጌቴቴስ።

- «ኡባ ሚሺ ሃዳ፤
ሃዳፔካ አዲ ሃዳ፤
ኡባ ሚሺካ ሃዳ» ጌሰ።
- 3 አላሜ ቦላ አሳ ናይ
ዳቡርዛ ዳቡራ ኡባሰ
አይ ዋዴይ ዲዜ?
- 4 ዩሌታይ አዲ ቢሺን
ሃራ ዩሌታይ ዩሰ፤
ጌዶ አቲን ቢታያ ሜርናሰካ
ሚና ዴአዉሰ።
- 5 አርሼይ ሞኬሲኔ ዉሌሰ፤
ቃሴካ ባ ሞኪዛሶ ባናሰ ኤሶቴሰ።
- 6 ጫርኮይ ዱጌሃ ባጋ ጫርኬሰ፤
ሃራ ዋዴ ፑዴሃ ባጋ
ሲሚሰ፤
ቃሴ ዩዩ ዩዩ አዲዲ
ባ ሎሲዳ ኦጌን ጌሌሰ።
- 7 ሻፋ ሃሐ ኡባይ
ቢዲ አባን ጌሌሰ፤
ጌዶ አቲን አባይ ሙሌካ
ኩሚ ኤሬና፤
ሻፋ ሃላቲ ካሴ ባ ዩዳሶ
ሲሚ ቤቴሰ።
- 8 አሲ ሃሳያናሰ
ዳንዳይዛዛፔ ቦላራ
ዮኦቲ ኡባይ ሳሌሊዛዛ፤
አይፌይ ጸሊዲ ካሊ ኤሬና፤
ሃይሊካ ሲዩዲ፥
«ታሰ ጌዲዴሰ» ጌ ኤሬና።
- 9 ካሴ ሃኒዳይ ሲሚ ኢዚ ሃናና፤
ቃሴ ሃኢ ሃኒሹ ዲዛይካ
ካሴ ሃኒዳይሳ።
ሄሳ ገሻሰ ሳሎ ጉፋንሶን
አይኮይካ ኦራላ
ሚሺ ዴና።
- 10 ኦኒካ፥ «ቤኢቴ!
ሃይሲ ኦራላ ሚሻ» ጌኮ
ሄሲ ኦራላ ሚሽ ጌዴና፤

- ሄሲ ኩኒ ዩሌታናፔ
 ካሴካ ዲዛ ሚሻ።
 11 ቤኒ ዋዴ ሃኒዳ ሃኖታ
 ዛሪዲ ሃሳኢሲዛ
 ሚሺ ዴና፤
 ሰንሳፌ ያናይቲካ
 ኢስታፌ ካሊ ያናይታን
 ቆፌቴቴና።

ኤፍሬም ዴኦ ሎሴፔ ዴሚዳ ቲሚርቴ

- 12 ታኒ ኤፍሬም ዩሩሳላሚን
 ኢስራኤሌስ ካዋ ጊዳዳ ዴኢዲስ።
 13 ታኒ ሳሎ ጉፋንሶን ዲዛ ኡባ
 ሻካ ኤራናሲኔ
 ኦቶ ኤራቴላን
 ፒልጋ ዴላናስ
 ታ ቆፋ ቃቻዲስ፤
 ጸሲ ኦሳ ናይታ ቶሲዳ ቶሆይ
 ኦይ ማላ ዴጸ!
 14 ሳሎ ጉፋንሶን ሃኒዳ ሃኖታ
 ኡባ ታ ቤኦዲስ፤
 ጊዶ ኦቲን ኡባይካ ሃዳ፤
 ጫርኮ ኦይካና ዩዴሊዛ ማላ።

- 15 ጌላቲዳ ሚሺ
 ሲቲ ጋናዉ ዳንዳዬና፤
 ቃሴ ባይንዳ ሚሺ
 ቆዴታና ዳንዳዬና።

16 ታኒካ ታ ዋዚናን፡ «ታፔ ካሴ ዩሩሳላሚ ሃሪዳ ኡባታፔ ታኒ
 ጊታኔ ኦቶ ኤፍሬም ጊዳዲስ፤ ታኒ ኦቶ ኤራቴላኒኔ ኤራን ኬሃ
 ሎሃዲስ» ጋ ቆፓዲስ።

17 ቃሴ ታኒ ኦቶ ኤራቴላ፡ ጎሻቴሊኔ ኤያቴላ ሻካ ኤራናስ
 ኬሃ ባጼታዲስ፤ ጊዶ ኦቲን ዉርሴላን ሄሲካ ጫርኮ ኦይካናስ
 ዩዴሊዛ ማላ ሃዳ ጊዲዳይሳ ኤራዲስ።

- 18 ኦቶ ኤራቴሊ ዳሪሺን
 ጩጩይ ዳሬስ፤
 ኤራይ ዳሪዛ ዋዴካ
 ሜቶይ ዳሬስ።

2

ባና ጸላ ሲቆይ ሃዳ

¹ ታኒ ታ ዋዚናን፡ «እኔ ታስ ጊታ ኡፋይስ ኢሚዛይ አዛኮ፡ ቃሴ ሎኦ ሚሺ አዛኮ ኤራናስ ኮያይስ» ጋ ቆፓዲስ፤ ጊዶ አቲን ሄሲ ሃዳ።

² ቃሴካ፡ «ሚቹ ኤያቴላ፤ ኢሻሎሲኔ ኡፋይሳስ አይ ጎአይ ዲዜ?» ጋዲስ።

³ ሄሲ ዉሪ ሃኒንካ አጵ ኤራቴላ ዳማናስ ታ ዋዚናን አሞታዳ ታና ዋይኔ ኡሻን ኡፋይሳናሲኔ ኤያቴላ ኦይካናስ ባጼታዲስ፤ ቃሴ አሳይ ሳኦ ቦላ ዲዛ ቃንላ ላይላን ሳሎ ጉፋንሉን ዲዛ ሚሽ ኡባ ቦላ ኦሊዳኮ ኢስታ ጎኢዛዚ አዛኮ ታ ኤራና ኮያዲስ።

⁴ ሄሳ ጊሻስ ሃራ ኢሲ ጊታ ሚሻታ ኦላዲስ፤ ታስ ኬላታካ ኬጸዲስ፤ ዋይኔ ቱራካ ቶካዲስ።

⁵ ዲማ ዲማ አታኪልቲታ፡ ዲማ ዲማ አይፌ አይፊዛ ሚላታ ቶካዲስ፤ ዩዩ ኡፋዬቲዛሶ ጊጊሳዲስ።

⁶ ሄ ዲጨዛ ሚላታ ኡሻናስ ሃላ ኤሊሲዛሶ ዜራ ጊጊሳዲስ።

⁷ አቱማኔ ማጫ አይሌታ ሻማዲስ፤ ታስ ሶን ዬሌቲዳ ሃራ አይሌቲካ ዳቲስ፤ ታፔ ካሴ ዬራሳላሚን ዳኢዳ ኦናፔካ ቦላራ ዳሮ ሜሃ፡ ዳይሸኔ ዶርሳ ዉዴ ሃራዲስ።

⁸ ታኒ ዲማ ዲማ ቢታታፔ ጊታ አሳታፔኔ ካዎታፔ አቆታ፡ ዋርቃኔ ቢራ ታስ ዳጋሳዲስ። ቃሴ አዴኔ ማጫ ዬላንቻታ ሺሻዲስ፤ ጉጃዳካ አሳ ኡፋይሳናስ ዳሮ ማጫ ናይታ ኤሃዲስ።

⁹ ሄሳ ጊሻስ ታኒ ታፔ ካሴ ዬራሳላሚን ዳኢዳ ኦፔኔ አጲዳ ጊታ አስ ጊዳዲስ፤ ታ አጵ ኤራቴላይካ ታናራ ዳኢዳስ።

¹⁰ ታ አይፌይ ጸሊዳይሳ ዲጋቤኬ፤

ታ ዋዚናይ አሞቲዳይሳ

ኡባ ዲጋቤኬ፤

ታኒ ኦሊዳ ኡባ

ታ ዋዚናይ ኡፋዬቲዳስ፤

ታ ዳቡራስ ዋጼይ ሄሳ።

¹¹ ጊዶ አቲን ሄሳ ኡባ

ኦላ ሲማዳ

ታኒ አኬኪዛ ዋዴ

ታኒ ኬሃ ዳማና ጋዳ

ዳቡርዳ ዳቡራ ኡባ

- ታ ቆፒዛ ዋዴ ኡባይካ ሃዳ፤
 ሳሎ ጉፋንሉን
 ኣይ ዋዴይካ ዴና፤
 ኡባይካ ጨርኮ ኦይካናሰ
 ዬዴሊዛ ማላ።
- 12 ሄሳፌ ጉዬ
 ታኒ ኣቶ ኤራቴሊ፥
 ኤያቴሊኔ ጎሻቴሊ
 ኣዛኮ ፒልጋ ኤራናሰ
 ቆፋ ደማዲሰ፤
 ካዎ ሶሆን ካዋቲዳ
 ሃራ ካዎይ
 ካሴ ኦሴቲዳይሳፌ
 ሃራ ኣይ ኦላኔ?
- 13 ቱሙካ ፖኦይ
 ቋማፔ ሎኢዛ ማላ
 ኣቶ ኤራቴሊካ ኤያቴላፌ
 ኣጂዛይሳ ቤኣዲሰ።
- 14 ኤራ ኣሳ ኣይፌይ
 ኢዛዴሰ ሁኤ ቦላ ዴሰ፤
 ኤያይ ጊዲኮ
 ቋማ ጊደራ ሄማቴሰ፤
 ጊደ ኣቲን
 ኢሰታ ናሞኣ ቃዳይካ
 ኢሲኖ ጊዲዳይሳ ኣኬካዲሰ።
- 15 ታኒ ታ ዋዚናን፥
 «ኤያ ጋኪዛ ቃዳይ
 ታናካ ጋካና፤
 ሂሰቲን ታኒ
 ኣቶ ኤራንቻ ጊደይሳሰ
 ዋዴይ ኣዜ?» ጋዳ ቆፓዲሰ።
 ቃሴ ታኒ ታ ዋዚናን፥
 «ሃይሲ ኡባይካ ሃዳ» ጋዲሰ።
- 16 ኣቶ ኤራንቻይካ ኤያዛ ማላ
 ሜርናሰ ሃሳኤቴና፤
 ሲንላፌ ያና ላይላታን
 ናሞኣይካ ዶጌታና፤
 ኤያይ ሃይቁዛ ማላ
 ኣቶ ኤራንቻሲካ

ሃይቆይ አቴና።

አሳ ዳፌቴሴ ሃዳ

17 ሳሎ ጉፋንሉን ሃኒዛ ሚሺ ኡባይ አቲዛ ገሻሰ ሃ ሳኣ ዱሳይ ታና አቲሰ፤ ሄሲ ኡባይካ ሃዳ፤ ጨርኮ አይካናሰ ዬዴሴዛ ማላ።

18 ሳሎ ጉፋንሉን ታኒ ከሃ ዳቡራ ዳሚዳ ኡባ ታፔ ጉዬን ዪዛ ዬሌታሰ ዬጋዳ ቢዛ ገሻሰ ታኒ ዳቡራ ዳሚዳ ኡባይ ታና አቲሰ።

19 ታፔ ጉዬራ ያናይሲ ኢዚ አጼ ኤራንቻ ገዲን ወይኮ ኤያ ገዲን ኦኔ ኤሪዛይ? ኢዚ ኦና ገዲኮካ ታኒ ከሃ ዳቡርዳይሳኔ ታ አጼ ኤራቴላን ታኒ ዳሚዳ ኡባ ቦላ ጎዳ ገዳና፤ ሄሲካ ሃዳ።

20 ሄሳ ገሻሰ ሳሎ ጉፋንሉን ሃይሳ ኬና አይሰ ዳቡራዲና ጋዳ ታ ወዚናን ሂዶታ ቃንጾ ደማዲሰ።

21 ጋሶይካ አሲ ባ ኡባ አጼ ኤራቴላን፤ ኤራኒኔ ሂላን ዳቡርዲ ዳሚዳ ኡባ አይኮካ ዳቡርንታ አሳሰ አጊ ቤሰ፤ ሄሲካ ሃዳኔ ገታ ቆሆ።

22 ሄሳ ገሻሰ ሳሎ ጉፋንሉን አሲ ከሂ ዳፌቴኮኔ ዳቡርኮ ኢዛሰ አይ ወጼይ ዲዜ?

23 ኢዚ ባ ዴኦ ላይላን ዳቡርዛ ዳቡራይ ኡባይ ዋዬኔ ማቶ ጸላ፤ ኮማርሲካ ኢዛ ጉጌይ ሽምፖ ዳሜና፤ ሄሲ ኡባይካ ሃዳ።

24 አሳሰ ሙሳፌኔ ኡሻፌ ቃሴ ባ ኦሊዳ ኦሶን ኡፋዬቴላፌ ሃራ ሎኢዛ ሚሺ ዴና፤ ሄሲካ ጸሳ ኩሼፔ ኢሜቲዛይሳ ታ ቤያዲሰ።

25 ኢዛ አቻፌ ኢሜቶንታ አጊኮ ኦኒ ማናሲኔ ኡፋዬታናሰ ዳንዳይዜ?

26 ጸሲ ባና ኡፋይሲዛ አሳሰ አጼ ኤራቴላ፤ ኤራቴሴኔ ኡፋይሰ ኢሜሰ፤ ገዶ አቲን ናጋራንቻይ ጸሳ ኡፋይሲዛይታሰ ዬጊ ባና ማላ አቆታ ዳጋሳናሲኔ ኦላናሰ ዋልቃ ኢሜሰ፤ ሄሲካ ሃዳኔ ጨርኮ አይካናሰ ዬዴሴዛ ማላ።

3

ኡባ ሚሻሰካ ዋዴይ ዴሰ

1 ኡባሲካ ዋዴይ ዴሰ፤

ሳሎፔ ጋርሳ ባጋራ

ኦሴቲዛይሳሰ

ኡባሰ ዋዴይ ዴሰ።

2 ሄሳ ገሻሰ ዬሌታናሰ

- ዋዴይ ዴስ፤
 ሃይቃናስካ ዋዴይ ዴስ፤
 ቶካናስ ዋዴይ ዴስ፤
 ሾዳናስካ ዋዴይ ዴስ።
- 3 ዋቋናስ ዋዴይ ዴስ፤
 ኣሻናስካ ዋዴይ ዴስ፤
 ላላናስ ዋዴይ ዴስ፤
 ገምባናስካ ዋዴይ ዴስ።
- 4 ዬካናስ ዋዴይ ዴስ፤
 ሚጫናስካ ዋዴይ ዴስ።
 ካዮታናስ ዋዴይ ዴስ፤
 ቃሴ ኡፋዬቲሼ ጉፓናስካ
 ዋዴይ ዴስ።
- 5 ሹች ላላናስ ዋዴይ ዴስ፤
 ሹች ሺሻናስካ ዋዴይ ዴስ።
 ኢዲሜታናስ ዋዴይ ዴስ፤
 ሻኬታናስካ ዋዴይ ዴስ።
- 6 ኮያናስ ዋዴይ ዴስ፤
 ኣጋናስካ ዋዴይ ዴስ።
 ሺሺ ኦይካናስ ዋዴይ ዴስ፤
 ኬሲ ኦላናስካ ዋዴይ ዴስ።
- 7 ዳካናስ ዋዴይ ዴስ፤
 ሲካናስካ ዋዴይ ዴስ።
 ጮኡ ጋናስ ዋዴይ ዴስ፤
 ሃሳያናስካ ዋዴይ ዴስ።
- 8 ዶሳናስ ዋዴይ ዴስ፤
 ኢጸናስካ ዋዴይ ዴስ።
 ኦላስ ዋዴይ ዴስ፤
 ሳሮን ዳናስካ ዋዴይ ዴስ።
- 9 ሂስቲን ኦሳንቻይ ባ ዳፌቲ ዳቡርዳይሳፌ ኣይ ዋዴ ዴማኔ?
 10 ታኒ ቃሴ ኣሳ ናይቲ ዳቡርዲ ኦላና ማላ ጸሲ ኢሚዳ ቶሆይ
 ከሂ ዴጾ ገዲዳይሳ በኣዲስ።
- 11 ኡባ ሚሽ ኢዛ ዋዴን ዋዴን ሎኤሊዲ ኦሊዴስ። ጸሲ
 ኣሳ ዋዘናን ሚርናቲል ዋሊዴስ፤ ገዲኮካ ጸሲ ኦሊዳይሳ ኡባ
 ኮይሮፔ ዉርሴል ጋካናስ ኣሲ ኡባ ኤራናስ ዳንዳዬና።
- 12 ሄሳ ገሻስ ኣሲ ባ ዴኦ ላይላን ሎኦ ኦሶ ኦሊዳይሳፌኔ
 ኡፋይሲዛዝ ኦሊዛዛፔ ኣጂዛ ሃራ ሚሺ ባይንዳይሳ ታኒ
 ኤራዲስ።

13 ቃሴ አሳሰ ኢዛሰ ኢዛ ዳቡራሰ ዋጋ ጊዲዛይ ሚዲኔ ኡዱዲ ባና ኡፋይሲዛይሳ፤ ሄሲካ ኢዛሰ ጸሳፌ ኢሜቲዳ ኢሞታ።

14 ጸሳይ ኡፋዲይሲ ኡባይ ሜርናሰ ዳኣናይሳ ታ ኤራይሰ፤ ኢዚ ኡፋዲይሳ ቦላ ጉጃናሰ ዋይኮ ኢዛፔ ጉላናሰ ዳንዳዬቴና። ጸሲ ሄሳ ኡፋዲይ አሳይ ኢዛ ቦንቻና ማላሳ።

15 ሃኢ ዲዛይሲ
ሃይሳፌ ካሴካ ዲዛይሳ፤
ሲንላፌ ሃናናይሲ
ቤኒካ ዲዛይሳ፤
ጸሲ ካሴ አፂዳይሳ
ዛሪ ኮዬሰ።

16 ቃሴካ ታኒ ሳሎ ጉፋንሶን
ሃራ ሚሽ ቤኣዲሰ፤
ፒርዳ ሶሆን
ማካላቴሴ ዴሰ፤
ሱሬ ፒርዳ ሶሆን ጌኔይ ዴሰ።

17 ታኒካ ታ ዋዚናን፡
«ኡባ ዮኦሲኔ ኦሶሰ
ዋዴይ ዲዛ ጊሻሰ
ጸሲ ጸሎዛኔ ዋርዳንቻዛ
ፒርዳሰ ሽሻና»
ጋዳ ቆፓዲሰ።

18 ቃሴ ታኒ ታ ዋዚናን፡ «አሲ ሜሄ ማላ ጊዲዳይሳ ኢሰቲ ኤራና ማላ ጸሲ ፓጩሰ።

19 አሳ ቃዳይካ ሜሄይሳ ማላ፤ ናሞኣ ቃዳይካ ኢሲኖ፤ ኢሶይ ሃይቁዛ ማላ ሃንኮይሲካ ሃይቁሰ፤ ናሞኣሰካ ኢሲ ቆሞ ፔኖይ ዴሰ፤ ሄሳ ጊሻሰ ኢዚ ሜሄፔ ዱማቴና፤ ሄሲካ ሃዳ።

20 ናሞኣይካ ኢሲ ሶሆ ቤቴሰ፤ ናሞኣይካ ቢታፌ ሜጼቲዳ ጊሻሰ ቢታን ሲሜቴሰ።

21 ሂሰቲን አሳ ሽምፖይ ፑዴ ሳሎ ኬዚዛይሳ፡ ሜሄታ ሽምፖይካ ዱጌ ቢታን ጌሊዛይሳ ኦኔ ኤሪዛይ?» ጋዳ ቆፓዲሰ።

22 ሄሳ ጊሻሰ አሲ ባ ኡፋዳ ኦሶን ኡፋይሳፌ ሃራ አፂዛ ሚሽ ባይንዳይሳ ታ ቤኣዲሰ፤ ሄሲካ አሳሰ ኢሜቲዳ ቃዳ፤ ኢዚ ሃይቁዳፔ ጉዬ ኦሴቲዳ ኦሶታ ኢዛ ዛሪ ኤሂዲ ቤሳናይ ኦኔ?

4

ቆሆ፡ ዳፌቴሰ፡ ቢዛቴሰ

- 1 ታኒ ቃሴካ ሳሎ ጉፋንሶን ዲዛ
 ቆሆ ኡባ
 ቤአዲሲኔ አኬካዲሰ፤
 ቆሃቲዳይታ አፋንሰ ቤአዲሰ፤
 ኢሰታ ሚንፌሊዛ
 አሲካ ዴና፤
 ዋልቃይ ኢሰታ ቆሃዛ አሳታ
 ኩሼን ዴሰ፤
 ኢሰታ ሚንፌሊዛ
 አሲካ ዴና።
- 2 ሄሳ ጊሻሰ ታኒ፥
 «ሃኢ ሽምፖራ
 ፓጻ ዲዛይታፔ
 ካሴ ሃይቂዳይቲ ኪያ» ጋዲሰ።
- 3 ጊዶ አቲን ሃ ናምአታፔካ ቦላራ
 ሙሌካ ዩሌቶንታይታ
 ቃዳይ ሎኦ፤
 ጋሶይካ ኢሰቲ ሳሎ ጉፋንሶን
 ኦሴቲዛ ቆሆዛ
 ሙሌካ ቤኢቤቴና።
- 4 ሄሳሶካ አሳይ
 ባ አሞቲዳይሳ ዴማናሰ
 ኬሂ ዳቡርዲ ኦሴሰ፤
 ጊዶ አቲን ሄ ዳቡራይ
 ባ ላጌ ቦላ
 ቃናቴቴላን ዴንዶን
 ጊዲዳይሳ ታኒ አኬካዲሰ።
 ሄሲካ ሃዳ፤
 ጫርኮ ኦይካናሰ
 ዩዴሊዛ ማላ።
- 5 አዛላይ ባ ኩሼ ኢዲሚ ኡቴሰ፤
 ባርካ ባና ዋጄሰ።
- 6 ጮ ዳቡራኒኔ ጫርኮ ካሎን
 ናምኡ ኩሼ ዴማናፔ
 ዋፓን ቤቲዛ
 ኢሲ ኩጳይ ኪዬሰ።
- 7 ቃሴካ ታኒ ሳሎ ጉፋንሶን ዲዛ
 ሚሺ ሃዳ ጊዲዳይሳ ቤአዲሰ።

- 8 ዩሎይ ዋይኮ አሻይ ባይንዳ
 ቢዛ አሲ ዳሰ፤
 ኢዛ ዳፌቴላሰ ዛዋይ ዳና፤
 ኢዛ አይፌይ ኢዛሰ ዲዛ
 አቆታ ካሊቤና፤
 ኢዚካ፥ «ታኒ ሃይሳ
 ኦሲ ዳቡራዚና?
 ታኒ ታ ሁኤ ኡፋይሳናይሳ
 አይሰ ኡዜታዚና?» ጌዴሰ።
 ሄሲካ ሃዳኔ ቱጋ ዴኦ።
- 9 ኢሰታ ኦሶይ ሎኦ አይፌ አማናሰ
 ዳንዳይዛ ገሻሰ
 ኢሲኖ ገዳናፔ
 ናምኡ ገዴላ ሎኦ።
- 10 ቃሴ ናምአፌ ኢሶይ ኩንዲኮ
 ኢሶይ ዴንሐሰ፤
 ገዶ አቲን ኩንዲኮ ዴንሐዛ
 ላጌይ ባይንዳዴይ
 አይ ማላ ቃጆሐዜ!
- 11 ናምአይ ኢሲፌ ኢቺኮ ሆኤሰ፤
 ገዶ አቲን ባርካ ኢቺዳዴ
 ዋኒ ሆኦና ዳንዳይዜ?
- 12 አሲ ቢዛ ቆሃና ዳንዳይሰ፤
 ናምኡ ገዲኮ
 ኢዛራ ኤቄታና ዳንዳይቴሰ፤
 ሄቫን ዶቄቲዳ ዋዶሮይ
 ኤሌ ዱጾና።
- 13 ዞሪ ኤኮንታ ኤያኔ ጨማ ካዋ ገዳናፔ አቶ ኤራቴላ ዲዛ
 ናቴላ ማንቆይ ሎኦ።
- 14 አይሰ ገኮ ኢዚ ሄ ሂዬሳ ገዲዳ ሶሆፔ ዴንዲዲ ዋይኮ
 ቃሾ ኬላፌ ኬዚዲ ባ ቢታን ካዋታናሰ ዳንዳይሰ።
- 15 ታኒ ሳሎ ጉፋንሶን ዲዛይቲኔ ሲሜሬቲዛይቲ ኡባይ ካዋ
 አራታ ላቲዛ ዩላጋ ካሊዛይሳ ቤኦዲሰ።
- 16 ኢዛ ሲንላን ቆዳይ ባይንዳ ዴሬይ ዴሰ፤ ካዋቴላፌ ኢዚ
 ከቺዛ ዋዴ ኢዚ ኦላዲይሳሰ ኦኒካ ኢዛ ጋላቴና። ሄሲካ ሃዳ፤
 ጫርኮ ኦይካናሰ ዩዴላዛ ማላ።

5

አዲናስ ኤሶቶፓ

1 ጸሳ ከል ጌላሼ ኔ ቶሆ ሺሻ ኤካ፤ ሲያናስ ሸቆይ ኤያታ ያርሾፌ አዴስ፤ አይስ ጌሶ ኢስቲ ባንታ አሶይ ኢታ ጌዲዲይሳ ኤሬቴና።

2 ሃሳያናዉ ኤሶቶፓ፤

ቃሴ ኢሲ ሚሽ ጸሳስ
ኢማና ጋዳ ኤሶን ጌፖፋ፤
አይስ ጌሶ ጸሲ ሳሎን ዴስ፤
ኔኒ ጌዲሶ ሳኣን ዳሳ፤
ሄሳ ጌሻስ ኔ ሃሳያና
ቃላይ ጌናራ ጌዶ።

3 ኦሶ ዳሮን አጉሞይ ቤተዛ ማላ
ሃሳያ ዳሮን

ኤያቲፋ ቃላይ ቆንጨሰ።

4 ጸሳስ ኔኒ አዲኒዳ አዲና ጋሞኦንታ ጋላ፤ ኤሶን ፖሎንታ አቲሶ ኢዚ ኡፋዬቴና፤ ሄሳ ጌሻስ ኔኒ አዲኔቲዲይሳ ኡባ ፖላ።

5 ኢሲ ሚሽ ጸሳስ አዲኔቲዲ ሄ አዲኔቲዲይሳ ጋሶንታ አጋናፔ ካሴ አዲኔቶንታ አጎይ ሎኦ።

6 ኔና ኔ ዶናይ ናጋራን ዬሳንታ ማላ ኔ ዶና ሺሻ፤ ቃሴ ጸሳ ከል ኦሳንቻ ሲንል ሺቃዳ፡ «ታ ሃይሳ ቆፖንታ አዲኔታዲስ» ጎፓ። ጸሳ ሃንቁላዳ ኔ ኦሶ አይስ ዳይሲሳይ?

7 ዳሮ አጉሞይኔ ዳሮ ሃሳያይ ሃዳ፤ ሄሳ ጌሻስ ኔኒ ጸሳስ ያያ።

ዲሬቴሊ ሃዳ

8 ዴሬ ጋርሳን ማንቆይ ሱጌቲን፣ ፐርዲይ ፓጪን፣ ማታይ ዬዴቲን ኔ ቤኢሶ ሄይታንታን ከሃ ማላሌቶፋ። ኢሲ ኢሲ ሃላቃስ ኢዛፔ ቦላራ ሃላቃይ ዴስ፤ ቃሴ ኡባታፔ ቦላራ ሃራ ሃላቃቲ ዴቴስ።

9 ቢታፌ ቤተዛ ጎኣይ ኡባሳ፤ ካዎይካ ባ ሁኤስ ሄሳፌ ጎኤቴስ።

10 ቢራ ሲቂዛ አሳስ
ቢራይ ጌዲ ኤሬና፤
ዲሬቴል ኮይዛ አሲ
ዲሬቲዲካ ካሊ ኤሬና፤
ሄሲ ኡባይካ ሃዳ።

11 አቆታይ ዳሪ ዳሪ ቢሺን

- ሚዛይ ዳሬሰ፤
 ሃሪዳዳሰ አይፌን በኦፔ
 ሃሪ አዛ ጎአይ ዲዜ?
 12 አሶ ኦሊዛ አሲ ጉሐ ሚኮ፥
 ዳሮ ሚኮ ሳሮ ጳሰኮ
 ጳሰኪ አቄሰ፤
 ጊዶ አቲን ዱሬ አሰ
 ዱሬቴሊ ጳሰኮ ዲጌሰ።
 13 ሳሎ ጉፋንሶን ኬሂ ጨጨሰሊዛ
 ኢታ ሚሽ ታ በአዲሰ፤
 ሄሲካ ኢታ ዋዳን
 ባና ማዶ ጊዲ
 አሲ ጉዬ ዩጊ ዳጋሲዳ ሚሺ
 ኢዛዳሰ ሜቶ፤
 14 ዋይኮ ኢሲ ጋሶን
 ጮ ጳይዛ ዱሬቴፋ።
 ኢዚ ና ዩሊኮካ
 ሄ ዩሌቲዳይሳሰ
 ላቲሲዛ ሚሺ ዳና።
 15 አሲ ባ አዪ ኡሎፔ ካሎ
 ዩሌቲዳ ማላ ካሎ በሰ፤
 አይ ኬና ዳቡርኮካ
 ኢዚ ባ ዳቡርዳይሳፌ
 አይኮካ ኤኪቤና።
 16 ሄሲካ ኬሂፔ ኢታ፤
 አሲ ባ ዩዳ ማላ ሲሚ በሰ፤
 ኢዛ ዳቡራ ኡባይ
 ጨርኮ ኦይኪዛ ማላ
 ሃዳ ጊዲዛ ጊዲኮ
 ኢዛሰ አይ ጎአይ ዲዜ?
 17 ኢዚ ባ ላይሐ ኡባ ጨጨን፥ ዋዩን፥
 ዩሎኒኔ ጳማ
 ዱሳን ዉርሴሰ።
 18 አሳ ቃዳይ ሄሳ ጊዲዳ ጊሻሰ ሳሎ ጉፋንሶን ጸሲ አሲ
 ዴኣና ማላ ኢሚዳ ቃንፋ ላይፋ ጋርሳን አሲ ባ ዳቡርዳ ዳቡራፔ
 ሙሲኔ ኡሺ ሎኦኔ በሲዛይሳ ጊዲዳይሳ ታ ኣኬካዲሰ።

19 ጸሳይ አሳሰ ዱሬቴሊኔ አቆ አሚዛይ ባ ዳቡርዳ ዋጋ ዳሚዲ ሚዲኔ ኡዱዲ ኡፋዬታናሳ። ሄሲ ጸሳፌ ኢዛሰ አሚቲዳ አሞታ።

20 ጸሳይ ኢዛ ዋዚናን ኡባ ዋዴ ኡፋይሰ ኩንሊ ዋሊዛ ጊሻሰ ኢዚ ባ ዴኦ ላይሳሰ ዳሮ ሂርጌና።

6

1 ሳሎ ጉፋንፊን ሃራ ኢታ ሚሽ ታኒ ቤኣዲሰ፤ ሄሲካ አሳሰ ኬሂ ዴጾ።

2 አሲ ባ ዋዚናን አሞቲዳ ሚሽ ዴማና ማላ ጾሲ አሳሰ አቆታ፡ ዱሬቴሊኔ ቦንቾ አሚሰ፤ ጊዶ ኣቲን ኬላዋይ ኢሰታን ኡፋዬታና ማላ ኩሚላ ማታ ኢዛሰ አሚና፤ ኢዚ ዳቡሪ ዳሚዳይሳን ሃራይ ኡፋዬቲሰ፤ ሄሲካ ሃዳኔ ኬሂ ኢታ ሚሻ።

3 ኢሲ አሲ ጾቱ ናይታ ጋካናሰ ዬሊ ጨሚዲ አዱሳ ላይላ ዴእናዉ ዳንዳዬሰ፤ ጊዶ ኣቲን ኢዚ ባ አቆታን ኡፋዬቶንታ ኣጊኮኔ ሃይቁዲ ዋጋራ ሞጌቶንታ ኣጊኮ ኢዛፔ ኣዉጫያይ ኪያ።

4 ጋሶይካ ጮ ሃዳ ዩዲ ጳማን ቤሰ፤ ኢዛ ሱንሊካ ጳማን ካሚቲዴሰ።

5 ኢዚ ኤርንታኔ ፖኦ ቤኦንታ ኣጊኮካ ሄ ኣዴዛፔ ኢዛሰ ኣቆ ዋጋይ ዴሰ።

6 ኡፋይሲ ባይንዳ ዲሺን ናሞኡ ሺ ላይላ ዴኢኮካ ኢዛሰ ኣዛ ጎኣይ ዴዜ? ዉርሴላን ናሞኣይካ ኢሲ ሶሆ ባና ዴቴኔ?

7 አሲ ዳቡርዲ ኦሊዛ

ኡባይ ኡሎሳ፤

ጊዶ ኣቲን ኢዛ አሞይ

ሙሌካ ካሊ ኤሬና።

8 ሂሰቲን ኣቆ ኤራንቻይ

ኤያፔ ኣዛን ኣጲዜ?

ማንቆይ ሃራታ ሲንላን

ዋኒ ሲሚሬታናኮ ኤርይ

ኢዛ ኣይ ማዲዜ?

9 አሞን ቶይላታናፔ

ኣይፌን ቤኦይ ኪያ፤

ሄሲካ ሃዳኔ ጫርኮ ኦይካናሰ

ዬዴሊዛ ማላ

10 ሃኢ ዲዛ ኡባሰ

ካሲቲ ሱንሊ

አሚቲ ኡቲዴሰ፤

- እሲ ሃናናዚ ኤሬቲ ኡቲዳሰ፤
 እሲ ባፔ ሚኒዛይሳራ
 ባጼቴና።
- 11 ሃሳያይ ዳሪሺን
 ሃዳ ዮኦይ ዳሬሰ፤
 ሂሰቲን ሂሲ አሰ አይ ጎአኔ?
- 12 ሃዳኔ ኤሾ ማላ ኤሌ አፂዛ
 ጉላ ላይላታን
 አሳሰ ሎኦ ሚሺ ሃናናይሳ
 ኤሪዛይ ኦኔ?
 ቃሴካ ኢዚ ሃይቂዳፔ ጉዬ
 ሳሎ ጉፋንፉን ሃኒዛ ሚሽ
 ኢዛሰ ዮታና ዳንዳይዛይ ኦኔ?

7

- ዴኦ ጊሻሰ ቆፋ
- 1 ሎኦ ሺቶፌ
 ሎኦ ሱንሴ አጼሰ፤
 ዩሌታ ጋላሳፌ
 ሃይቆ ጋላሲ ሎኦ።
- 2 ጊቢራ ኬሐ ቡሳፌ
 ዩሆ ኬሐ ቡሲ ሎኦ፤
 ጋሶይካ ሃይቆይ
 እሰ ኡባሰ ዉርሴላ፤
 ሼምፖራ ፓጻ ዲዛ
 እሲ ኡባይ
 ሄሳ ባ ዋዚናን
 ዋላናሰ ቤሴሰ።
- 3 ሚቻፌ ካዮይ ኪያ፤
 ጋሶይካ ካዮይ
 ሲንሐ ካሬሲኮካ
 ዋዚና ፖኢሴሰ።
- 4 አጼ ኤፍጊቻ ዋዚናይ
 ካዮ ኬላን ዴሰ፤
 ኤያታ ዋዚናይ ጊዲኮ
 ኡፋይሳ ኬላን ዴሰ።
- 5 ኤያቲ ሳቢሼ ዩጸዛ

- ዩሳ ሲያናጅ
 አቶ ኤፍሬም ሴሪዛ
 ሴሪ ኤዘጎይ ሎኦ።
- 6 ኤፍሬም ሚቶ
 ኦቶ ጋርሳን ኤጲሼ
 ቆጭቲዛ አጉንፋ ማላ፤
 ሄሲካ ሃዳ።
- 7 ጌኔ ኦሶይ አቶ ኤፍሬም
 ኤፍ ኬሴሰ፤
 ማጋንጾይ አሳሰ ዋዚና ሞሬሰ።
- 8 ኢሲ ሚሻሰ ዶሜላፌ
 ዉርሴላ ኪያ፤
 ቃሴ ኦቶፍሬም
 ዳንዳያንቻይ ኪያ።
- 9 ኤፍሬም ሃንቆይ
 አሰታ ከኦ ጋርሳን ዲዛ ጊሻሰ
 ኔኒ ሃንቆሰ ኤሶቶፓ።
- 10 ኔኒ፡ «ሃ ዋዴይ
 ካሴ አቋዳ ዋዴታፔ
 አይሰ ሎኢዴ?» ጋ ኦይቾፋ፤
 ሄይታንታ ማላ ኦይሻታ ኦይሾይ
 አቶ ኤራቴላ ጊዴና።
- 11 አቶ ኤራቴላ
 ሎኦ ጸንጾ ማላ፤
 ኢዛ ጎኣይ
 ፖኦ ቤኢዛ አሰ ኡባሳ።
- 12 ሚሺ አሰ ኢታፔ
 ካሚ አሺዛ ማላ
 አቶ ኤራቴላ አሼሰ።
 ሄሳፌ ቦላራካ
 አቶ ኤራቴላ
 ኬላ አዋ ሸምፖ ናጌሰ።
- 13 አኔ ጸሳይ ኦሊዳይሳ
 ዋዚናን ዋሳ!
 ኢዚ ቦካሲዳይሳ
 ኔኒ ሉሊሳና ዳንዳይዜ?
- 14 ኔሰ ዋዴይ ሎኢሺን ኡፋዬታ፤

- ጌዶ አቲን ዋዴይ አቲሺን
 ሃይሳ ዋዚናን ዋላ፤
 ጸሲ ኢሳ ኦሊዳ ማላ
 ሃራካ ኦሊዴሰ፤
 ሄሳ ጊሻሰ ኣሲ
 ሲንላፌ ሃናና ሚሽ
 ኣይኮካ ፒልጊዲ
 ኤራና ዳንዳዬና።
- 15 ናጋራንቻይ ባ ናጋራራ
 ኣዲሳ ላይሰ ዴኢሺን፤
 ጸሎይ ባ ጸሎቴላራ
 ኤሶን ሃይቂሺን
 ሃዳ ጊዲዳ ታ ዴኦ ላይላታን
 ሃይታ ቤኣዲሰ።
- 16 ሄሳ ጊሻሰ ኔ ጳዮንታ ማላ
 ኬሃ ጸሎ፤
 ዋይኮ ኬሃ
 ኣቶ ኤራንቻ ጊደፓ።
- 17 ቃሴ ኬሃ ኢታ ኣሰ፤
 ዋይኮ ኡባ ኤያ ኣሰ ጊደፓ፤
 ኔ ኣይሰ ዋዴይ ባይንዳ ሃይቃይ?
- 18 ኢሳ ኦይኪዲ ሃንኮይሳካ
 ዬደንታ ኣጎይ ሎኦ፤
 ጸሳሰ ያዪዛ ኣሲ
 ሺካላቴሰ ኢዴሰ።
- 19 ኣቶ ኤራቴሊ ኣቶ ኤራንቻሰ
 ኢሚዛ ዋልቃይ
 ኢሲ ካታማን ዴሬ ሃሪዛ
 ታማታፔ ኣዴሰ።
- 20 ናጋራ ኦላንታ
 ሙሌራ ሱሬ ኦሶኒኔ
 ጸሎቴላን ጸላ ካንሊዛ ኣሲ
 ቢታ ቦላ ዴና።
- 21 ሃሳዬቲዛ ቃላ ኡባ ሃይሰ
 ዬጋ ሲዮፓ፤
 ኔ ሂሰቶንታ ኣጊኮ
 ኔ ኣሽካራይ ኔና ቃንጊሺን
 ኔ ሲያንዳሳ።

- 22 ቃሴ ኔኒካ ኔ ሁኤን
ሃራታ ቃንጎይሳ
ኔ ዋዚናይ ኤሬሰ።
- 23 ሃይሳ ኡባ ታኒ
አጽ ኤራቴላን
ፒልጋ ጸላዳ፤
«ታኒካ አጽ ኤፍጥረት
ጊዳናሰ ቃቻዲሰ» ጋዲሰ።
ጊዳ አተን ታኒ
ጊዳ ማላ ሃኒቤና።
- 24 አጽ ኤራቴላ አይ ጊዲኮካ
ኬሂ ጨማኔ ሃኮ፤
ሂሰተን ኦኒ ጋኪ
ኤራና ዳንዳይዜ?
- 25 ሄሳ ጊሻሰ አጽ ኤራቴላኔ
ዮኦተ ሃኒዛይሳ ፒልጋ ኤራናሰ፤
ጸናኣናሰ ናጋራ
ኢታቴላኔ
ኤያቴላ ጎሻቴላ
ጊዲዳይሳ
አኬካናሰ ታ ዋዚናን
ዩሻ ቆፓዲሰ።
- 26 ኢዚሰ ዋዚናይ ዋጺማዴ ማላ፤
ኢዚ ኩሼቲ አግሪሞቄ ማላኔ
ያርዴ ማላ ጊዲዳ
ሃይቆፔ ኢታ
ማጫሰ ቤአዲሰ፤
ኢዚፔ ኬሲ ኤካናይ
ጸሳሰ ያዩዛ አሰ ጸላ፤
ናጋራንቻ አሰ ጊዲኮ
ያርዴን ኦይካወሰ።
- 27 አጽ ኤፍጥረትዚ፤
«ታኒ ካላ ፒልጋ
ጸላዳ ዴሚዳ
ሃራ ሚሺ
ሃይሳፌ ካሊዛይሳ።
ዮኦተ ሃኒዛይሳ
ሂላቴላን ፒልጊዲ

- ዴማናስ
 ኢሳ ኢሳ ቦላ ጉጆ፤
 28 ሄሲካ ታኒ ሃቕ ጋካናስ
 ፒልጋሼ ጳይዳይሳ
 ሺ ኣቱማሳፔ
 ኢሲ ሱሬ ኣስ ዴማዲስ።
 ጊዶ ኣቲን ሃይታንታ ጊዶፌ
 ኢሲ ሱሬ ማጫስ ዴማቤኬ።
 29 ታኒ ሃይሳ ኡባፌ
 ኢሲ ሚሽ ታማራዲስ፤
 ጳሲ ኣስ ሱሬ
 ሂስቲ ሜጲዴስ፤
 ጊዶ ኣቲን ኣሲ
 ዳሮ ጊቴቲዳዝ ጊግሲዴስ» ጊዴስ።

8

- 1 ዮኦታ ቢርሻና ዳንዳይዛ
 ኣቶ ኤፍጊቻ ማላ
 ኣሲ ኦኔ?
 ዮኦታ ኡባ ቢርሼል
 ኤሪዛይ ኦኔ?
 ኣቶ ኤራቴላ
 ኣሳ ኣይፌሶ ፖኢሴስ፤
 ጸርጾቲዳ ሲንሉካ ቢርሼስ።

ካዎስ ኣዛዜቴል

- 2 ኔ ካሴ ጸሳ ሲንፋን ጫቂዳ ጊሻስ ካዎስ ኣዛዜታ።
 3 ካዎ ሲንፋፌ ኤሶን ኬዘፓ፤ ኢዚ ባ ዶሲዳይሳ ኦፋናስ
 ዳንዳይዛ ጊሻስ ኢታ ኦሶስ ዙፔቶፓ።
 4 ኡባ ሚሽ ኦፋናስ ካዎስ ማታይ ዲዛ ጊሻስ፡ «ሃይሳ ኣይስ
 ኦፋይ?» ጊዲ ኢዛ ኦይቻናስ ዳንዳይዛይ ኦኔ?
 5 ኢዛስ ኣዛዜቲዛ ኣሲ
 ኡባይ ቆሃቴና፤
 ኣቶ ኤራቴላ ዲዛ ዎዚናይ
 ሊኬ ዎዴኔ ቤሲዛ ኦሶ ኦጌ
 ሻኪ ኤሬስ።
 6 ኣስ ሜቶይ ኬሂ ኡንኤሊኮካ
 ኡባ ሚሻስካ

ሊኬ ዋዴይኔ
ቤሲዛ ኦሶ ኦጌይ ዴሰ።

7 ሲንፋፌ ሃናናይሳ
ኤሪዛይ ዴና፤
ሄሳ ጊሻስ
ሲንፋፌ ሃናናይሳ
ዮታናሰ ዳንዳይዛይ ኦኔ?

8 አሲ ባ ሺምፖ
ናጊ አሻናሰ ዳንዳይና፤
ዋይኮ ባ ሃይቃና
ጋላሳ ቦላ
ማታይ ዲዛ አሲ ዴና፤
ኦላ ጋላሰ ኦኒካ ኦላ ዬጊዲ
ጉዬ ሲሞንታይሳ ማላ
ኢታ ኦሶይካ
ባናራ ሜዜቲዳይታ ዬዴና።

ኢታ አሳታ ሃናታኔ ኪያ አሳታ ሃናታ

9 ሳሎ ጉፋንፉን
ሃኒዛ ሚሽ ኡባ
ታኒ ፒልጋ ቤኣዲሰ፤
አሲ አሰ ቆሃናሰ
ዳናቲዛ ዋዴይ ዴሰ።

10 ቃሴ ኢታቲ ቦንቾን
ሞጌቲሺኒኔ
ጌሻ ካታማን ሳቤቲሺን፥
ጸሳ አሳቲ ጌሻ ካታማን
ዶጌቲሺን ታ ቤኣዲሰ፤
ሄሲ ኡባይካ ሃዳ።

11 ኢታ ኦሊዳ አሳ ቦላ ኤሶን ፒርዶንታ አጊኮ አሳ ዋዚናይ
ኢታ ኦላና ሃልቾን ኩሜሰ።

12 ናጋሬንቻይ ጸቱቶ ኢታ ሚሽ ኦሊሺን ኢዛ ላይላይ
አዱቂኮካ፥ ጸሳ ቦንቹዛይታሲኔ ጸሳ ያዩዛይታሰ ሎኦይ ሃናናይሳ
ታ ኤራይሰ።

13 ጊዶ ኦቲን ኢታቲ ጸሳሰ ያዮንታ ጊሻሰ ሎኦ ሚሺ ኢሰታሰ
ሃኔና፤ ኢሰታ ላይሊ ኤሾ ማላ ኤሌ አቆና።

14 ሳኦ ቦላ ኦሴቲዛ ሃራይ ሃዳ ሚሺ ዳሰ፤ ሄሲካ ጸሎቲ ኢታታሰ ቤሲዛ ቂጻቴ፤ ኢታቲ ጸሎታሰ ቤሲዛ ሎኦ ሚሽ ኤሴቴሰ። ሄይቲ ኡባይካ ሃዳ።

15 ሳሎ ጉፋንፉን ኣሳሰ ሙሳፌ፤ ኡሻፌኔ ኡፋዬቴላፌ ኣጂዛ ሃራ ሚሺ ባይንዳ ገሻሰ ባ ዳኦ ላይላን ኡፋዬቴላ ሎኦ ጋዲሰ፤ ሄሳ ገሻሰ ጸሲ ሳሎ ጉፋንፉን ኢዛሰ ኢሚዳ ላይላታን ኢዚ ባ ኦሶን ኡፋዬታና።

16 ታኒ ኣጼ ኤራቴላ ኤራናሲኔ ኣሲ ሃ ሳኦ ቦላን ኦማርሲኔ ጋላሰ ጂሰኮይ ባይንዳ ዳቡርዛ ዳቡራ ኤራናሰ ታ ዋዚናን ፒልጋዲሰ።

17 ሄሳፌ ጉዬ ጸሲ ኦሊዳ ኡባ ቤኣዲሰ፤ ሳሎ ጉፋንፉን ኦሴቲዛ ሚሽ ኦኒካ ኤሬና፤ ኣሲ ኬሂ ዳፌቲዲ ፒልጊ ጸሊኮካ ኢዛ ቢርሼላ ዳማናሰ ዳንዳዬና። ኣጼ ኤራንቻይ፡ «ታ ኤራይሰ» ጊኮካ ኡባ ኤራናሰ ዳንዳዬና።

9

ኡባሰ ዲዛ ወርሴላ ቃዳ

1 ሄሳ ገሻሰ ሃ ኡባ ዮኦታ ታ ዋዚናን ቆፓዳ ኣጼ ኤራንቻቲኔ ጸሎቲ ኦሊዛ ኦሶይ ጸሳ ኩሼና፤ ጊዶ ኣቲን ኣሲ ሲንላፌ ባና ናጊዛይሲ ሲቆ ጊዲን ዋይኮ ኢጶ ጊዲን ኤሬና።

2 ጸሎታ ዋይኮ ናጋራንቻታ ጊዲን፡ ሱሬታ ዋይኮ ኢታታ ጊዲን፡ ጌሻታ ዋይኮ ቱናታ ጊዲን፡ ያርሾ ሺሺዛይታ ዋይኮ ያርሾ ሺሾንታይታ ጊዲን ኡባታሲካ ወርሴላ ቃዳይ ኢሲና።

ሎኦ ኣሳሰ ሃኒዛይሳ ማላ

ናጋራንቻሰካ ሃኔሰ፤

ጫቂዛይሳሰ

ሃኒዛይሳ ማላካ

ጫቆሰ ባቢዛይታሰ ሃኔሰ።

3 ሳሎ ጉፋንፉን ኡባ ቦላ ጋኪዛ ኢታቴላ ሃይሳ፤ ኡባሰ ወርሴላ ቃዳይ ኢሲና፤ ሄሳፌ ቦላራካ ኣሳ ዋዚናይ ኢታቴላን ኩሚዳሲኔ ጎዬዳሰ፤ ወርሴላንካ ሃይቂዳ ኣሳን ጋይቴሰ።

4 ሃይቂዳ ጋዋፌ ፓጻ ዲዛ ካናይ ኪያ፤ ሄሳሶካ ሼዋፖራ ፓጻ ዲዛይታ ጊዶን ዲዛ ኣሳሰ ሂዶታይ ዳሰ።

5 ሼዋፖራ ፓጻ ዲዛ ኣሲ

ባ ሃይቃናይሳ ኤሬሰ፤

ጊዶ ኣቲን ሃይቂዳይቲ

ኣይኮካ ኤሬቴና፤

ኢስታ ቆፍሲዛ ሚሺ
ኡባይ ደጌቲስ፤
ኢስቲ ጎኤታና ሚሺካ ዴና።

- 6 ኢስታ ሲቆይ፥ ኢጶይኔ
ቃናቲይ ኡባይ
ኢስታራ ኢሲፌ ጳይዴስ።
ሄሳ ጊሻስ ሳሎ ጉፋንፉን
ሃኒዛ ሚሽ ኡባን
ኣይኮ ቃዳይካ ኢስታስ ዴና።

7 ባዳ ኔ ካል ኡፋይሳን ማ፤ ኔ ዎይኔ ኡሻካ ኔ ዎዚናይ
ኡፋይቲሺን ኡያ፤ ኣይስ ጊኮ ጸሲ ኔ ኦሊዳ ኦሶን ኡፋይቲስ።

8 ኡባ ዎዴ ኔ ማይኦይ ቦል ጊዶ፤ ኔ ሁኤይካ ዛይቲን ቲዬቶ።

9 ሳሎ ጉፋንፉን ጸሲ ኔስ ኦሚዳ ጉል ጊዲዳ ኔ ዴኦ ላይላታ
ኡባን ኔ ሰቂዛ ኔ ማቼይራ ኡፋይሳን ዴኣ፤ ኣይስ ጊኮ ሳሎ
ጉፋንፉን ኔ ዴኦኒኔ ኔ ዳቡርዳ ዳቡራ ኡባን ሃይሲ ኔስ ቃዳ።

10 ኔ ኩሼይ ኦፋናስ ዴሚዳይሳ ኡባ ኔ ኩሜላ ዎልቃን ኦላ፤
ኣይስ ጊኮ ኔኒ ባና ዱፎን ኦሶይ፥ ሃልቾይ፥ ኤራቴሊኔ ኣጶ
ኤራቴሊ ዴና።

- 11 ታኒ ሳሎ ጉፋንፉን
ሃራ ሚሽ ቤኣዲስ፤
ዎላን ጸኖይ ፒላታታስ
ኦላን ጸኖይ ዎልቃማታስ ጊዴና፤
ካሊ ኣጶ ኤራንቻታስ፥
ዱሬቴሊ ከጳታንቻታስ፥
ሳባይ ኤራንቻታስ ጊዴና፤
ጊዶ ኣቲን ኡባቲካ ዎዴይኔ
ቃዳይ ጋሊዳ ማላ ሃኔቲስ።

- 12 ቃሴካ ባ ዎዴ ኤሪዛ ኣሲ ዴና፤
ካፎይ ያርዴን ጌሊዛ ማላ፥
ዎሌይ ጌቲን ኦይኬቲዛ ማላ፥
ኣሲካ ቆፖንታ ዲሺን ጸዛ
ኢታ ዎዴታን ኦይኬቲስ።

ኣጶ ኤራቴሊኔ ኤያቴል

13 ሄሳባካ ታና ኬሂ ማላሊሲዳ ሃይሳ ኣጶ ለሚሶ ሳሎ
ጉፋንፉን ቤኣዲስ።

14 ሄሲካ ኢሲ ቢታን አማርዳ አሳቲ ዳኢዛ ቁሪ ካታማይ ዳዉስ፤ ሄ ካታማዮ ኦላናስ ኢሲ ዋልቃማ ካዎይ ዋራጂ ዶዲዳስ፤ ኢዚ ዩሾን ሚጻ ገግሲዳስ።

15 ሄ ካታማይን አጽ ኤራንቻ ገዲዳ ኢሲ ማንቆ አሲ ዳስ፤ ኢዚ ባ አጽ ኤራቴላን ሄ ካታማዮ አሺዳስ። ገዶ አቲን ሄ ማንቆዛስ ኦኒካ ቆፒቤና።

16 ሄሳ ገሻስ ታኒ፥ «አጽ ኤራቴላ ዋልቃፌ አጼስ» ጋዲስ። ገዲኮካ ሄ ማንቆዛስ ዲዛ አጽ ኤራቴላዚ ካጼቲዳስ፤ ኢዛ ቃላይካ ሲዬቲቤና።

17 ኤያታ አይሲዛ ዳና ዋሶፔ

አጽ ኤራንቻይ

ሊቆን ሃሳይዛ

ቃላይ ሴቴቴስ።

18 አጽ ኤራቴላ

ኦላ ሚሻፌ አጼስ፤

ገዶ አቲን ኢሲ ናጋራንቻይ

ዳሮ ሎኦ ሚሻ ዳይሴስ።

10

1 ሃይቂዳ ኡዱንጾቲ

ሺቶ ዜቄቴስ፤

ሄሳሶካ ጉላ ኤያቴላ

አጽ ኤራቴላኔ

ቦንቾ ካዉሼስ።

2 አጽ ኤራንቻ ዋዚናይ

ኢዛ ኡሻቾ ካሌቴስ፤

ገዶ አቲን ኤያ ዋዚናይ

ሃዲርስ ካሌቴስ።

3 ኤያይ ኦጌ ቢሺን

ኢዛስ አኬካይ ፓጩስ፤

ባ ኤያቴላ ኦናስካ ቆንጨሴስ።

4 ኔ ጎዳይ ኔ ቦላ ሃንቄቲኮ

ኔ ሶሆ ዩዶፋ፤

ጋሶይካ ዳንዳያይ

ገታ ሃንቆ

ጮኡ ሂስቴስ።

5 ሳሎ ጉፋንሶን ታኒ ቤኢዳ

ኢታ ሚሺ ዳስ፤

- ሄሲካ ዴሬ ሃሪዛዴፌ
ኬዚዛ ባላ።
- 6 ኤያቲ ኬሂ ቋቃሶሆን ኡቲን
ዱሬቲ ሂርኪ ዚቃ ሶሆን ኡቲዳ።
- 7 ኣይሌቲ ዳናታ ማላ ቶጋን ቢሺን
ዳናቲ ቃሴ ኣይሌታ ማላ
ቶሆን ቢሺን ቤኣዲሰ።
- 8 ኦላ ቦኪዛ ኣሲ ሄ ኦላን
ኢዚ ኩንዳና፤
ቃሴ ዲርሳ ላሊዛ ኣሰ
ሾሺ ዲካና።
- 9 ሹቶ ቋቃሊዛይ
ሄ ሹቻን ዴሼቴሰ፤
ቃሴ ሚሐ ቄሪዛይ
ሄ ሚላን ቆሂቴሰ።
- 10 ዱንኤ ካልታ ሌፎንታ ኦሊኮ
ዳሮ ዋልቃ ወርሴሰ፤
ጊዶ ኣቲን ሂላን ኦሊኮ
ኦሶዛ ኣይፊሴሰ።
- 11 ሾሺ ሙሬኖን
ጃላናፔ ሲንላን ዱኪኮ
ሙሬኒዛይ ኣይኮካ ጎኤና።
- 12 ኣቋ ኤፍጊቻ ዳናፔ
ኬዚዛ ቃላይ
ፑላን ኩሚዳዛ፤
ጊዶ ኣቲን ኤያይ ባርካ
ባ ኢንጻርሳን ቋዬሰ።
- 13 ኮይሮፔ ዶሚዱ
ኢዛ ቃላይ ኤያቴላ፤
ወርሴላንካ ኢታ ጎሽ ጊዴሰ።
- 14 ኤያይ ሃሳያ ዳሪሴሰ፤
ቡሮፔ ሃናናይሳ
ኤሪዛይ ዴና፤
ሃይቂዳዴሰ ኢዛፔ
ጉዬን ሃናናይሳ
ኦኔ ኢዛሰ ዮታና ዳንዳይዛይ?
- 15 ኤያ ኦሶይ

- ኦሊዛዴ ዳቡርሴስ፤
 ኢዚ ካታማ
 ጋሊዛ ኦጌ ኤሬና።
 16 ሃኔ ኔ ካዎይ
 ዩላጋ ጊዲዳሬ!
 ኔ ዳናቲ ዋንታራ
 ጊቢራ ጊግሲዛ
 ቢታዬ ኔስ አዬ አና!
 17 ሃኔ ኔ ካዎይ ቦንቹቲዳ
 ዛሬፔ ጊዲዳሬ!
 ማሶታናስ
 ጊዶንታ ሚኔታናስ
 ኮሺዛ ዎዴ ሚዛ ዳናቲ
 ዲዛ ቢታዬ!
 ኔኒ አንጄቲዳሮ።
 18 አዴይ አዛላ ጊዲኮ
 ካራይ ያርጳቲስ፤
 ኢዛ ኩሺቲ ዳቡርኮ
 ኬሊ አሌስ።
 19 ጊቢራይ ሚጨሴስ፤
 ዎይኔ ኡሺ አስ ኡፋይሴስ፤
 ሚሺ ዲኮ ሚሺ ሃኔስ።
 20 ቆፋንካ ጊዲን ካዎ ካጵፓ፤
 ኔ አቂዛ ኪፊሌን ዳሺ
 ዲሬ ቃንጎፋ፤
 ቄፊን ፒራዲዛራ ኔ ጊዛይሳ
 ኤፋ ጋፋና ዳንዳያዉስ።

11

- አጵ ኤፍጥታይ ኦፋና ቤሲዛ ኦሶ
 1 ኔ ካሐ ሃላን ዩጋ፤
 ዳሮ ጋላሳታፔ ጉዬ
 ኔኒ ዛራ ዴማና።
 2 ኔስ ዲዛ አቆ ላፑን ዎይኮ
 ኦስፑን ሶሆን
 ቫኬሬላ ዎላ፤
 አይስ ጊኮ ቢታ ቦላ

- እይ ኢታይ ያናኮ ኔኒ ኤራካ።
- 3 ሻራይ ካሬጸኮ
 ቢታ ቦላ ኢራይ ቡኬሰ።
 ሚሊ ፑዴሃ ዋይኮ
 ዱጌሃ ኩንዲኮ
 ባ ኩንዲዳሶን ኢቺ አቴሰ።
- 4 ጫርኮ ሃኖታ ናጊዛይ ዜሬና፤
 ቃሴ ሻራ ማሊዛይ
 ባ ካል ሺሺና።
- 5 ጫርኮይ አዋራ ቢዛኮ
 ኢዛ ኦጌ ኤራካ፤
 ቃሴ ሸምፖይ ዋይኮ አያናይ
 አዪ ኡሎን ዲዛ ሜዴታ ጊዶን
 ዋኒ ጌሊዛኮ ኔ ኤራካ።
 ሄሳልካ ኡባ
 ሜዲዳ ጸሳ ኦሶ
 ኔ ሻካ ኤራና ዳንዳያካ።
- 6 ማላዶራ ኔ ዜሬል ዜራ፤
 ኦማርሲካ ኔ ኩሼይ
 ኦሶ ቢርሾፎ፤
 ጋሶይካ ሃይሲ ዋይኮ ሄሲ፥
 ዋይኮ ናምአይ ሎአናኮ፥
 ዋይኮ አዋይሲ አይፋናኮ
 ኔ ኤራካ።
- ዬላጋቴላን ኔና ሜዲዳይሳ ቆፓ
- 7 ፖኦይ ሎኦ፤
 አዋ አይፌ ቤኦይ
 አይፌ ኡፋይሴሰ።
- 8 አሲ ከሄ አዲሳ ላይል
 ሃ ሳኦን ዴኢኮ
 ሄ ኡባንካ ኡፋዬቶ።
 ጊዶ አቲን ጴማ ጋላሳቲ
 ዳሪዛ ጊሻሰ ቆፖ፤
 ቡሮ ያና ሚሺ
 ኡባይካ ሃዳ።
- 9 ሃይሶ ዬላጋዙ!
 ኔ ናቴቴላ
 ላይላን ኡፋዬታ፤

- ኔ ናቴቴላ ላይላን
 ኔ ዋዚናን ኡፋዬታ፤
 ኔ ኣይፌይ ጸሊዳ ኡባኔ
 ኔ ዋዚናይ ኣሞቲዳ ኡባ ፖላ፤
 ጊዶ ኣቲን ኔ ኦሊዳ ኦሶ
 ኡባ ጊሻሰ ጸሲ
 ኔና ፒርዳሰ ሺሻናይሳ ኤራ።
 10 ሄሳ ጊሻሰ ኔ ዋዚናፔ
 ጨጮ ሃሳ፤
 ኢታ ሚሺካ ኔፔ ዲጋ፤
 ጋሶይካ ናቴቴሊኔ ዩላጋቴሊ
 ኤሌ ኣቆና።

12

- 1 ሜቶ ጋላሳቲ ዮንታ ዲሺን
 ኔኒ፥ «ታና ኡፋይሴቴና»
 ጊዛ ዋዴቲ ጋኮንታ ዲሺን
 ኔ ዩላጋቴላ ላይላን
 ኔና ሜጲዳይሳ ቆፓ።
 2 ኣዋይኔ ፖኦይ፥
 ኣገናይኔ ጸሊንቴይ
 ቋሞንታ ዲሺን፥
 ኢራይ ቡኪ ሲሚን
 ሻራይ ኪቾንታ ዲሺን
 ኔና ሜጲዳይሳ ቆፓ።
 3 ኬላ ናጊዛይቲ ኮኮሪዛ ዋዴ፥
 ሚኖቲ ኩኒዛ ዋዴ፥
 ጋጪዛይቲ ቆዳን ጉላ ጊዲዳ
 ጊሻሰ ጋቼ ኣጊዛ ዋዴ፥
 ማሰኮቴራ ጸሊዛይቲ
 ዶልጂማዛ ዋዴ፥
 4 ዱቡሻሶ ኤፊዛ ኦጌቲ
 ኅርዴቲዛ ዋዴ፥
 ዋጸይ ሎጮቲዲ
 ጊሬላ ኣጊዛ ዋዴ፥
 ካፎ ዋሶይ ኣሰ ዴንሊዛ ዋዴ፥
 ኢሰታ ዩሊካ ዳቡርዛ ዋዴ፥
 5 ፑዱንላ ኬሲ ጸኒዛ ዋዴ፥

ኦጌ ቡሲ ባቢሲ ዋዴ፥
 ኦቐሎኔይ ጨዴ ዋዴ፥
 ቦሌይ ባርካ ባና
 ጎቹዛ ዋዴ፥
 ኦሳፔ ኦሞይ ጳይዛ ዋዴ
 ኦሲ ባ ሚርና ኬል ባና፤
 ዩኪዛይቲካ ባሌን ዩያና።

6 ቢራ ሳንሳላታይ

ዱጾንታ ዲሺን፥
 ዋርቃ ሳኔይ ሚቆንታ ዲሺን፥
 ሃል ኦቶይ ፑልቶ ኦቻን
 ሚቆንታ ዲሺን፥
 ሃል ኦላፌ ኬሲዛ ዋጉሞቦይ
 ሚቄሬቶንታ ዲሺን፥

7 ቢታይ ዱጌ ቢታን

ሲሞንታ ዲሺን፥
 ሼሞፖይ ኦሚዳ ጸሳኮ
 ሲሞንታ ዲሺን፥
 ኔና ሚጲዳ
 ጸሳኮ ሲማ።

8 ኤፍንታዚ፥ «ሃዳ!

ሃዳፔካ ሃዳ!
 ኡባይካ ሃዳ!» ጌሰ።

ኩሻ ቆፋ

9 ኤፍንታዚ ባ ሁኤሰ ኦጶ ኤፍንታ ጸላ ጊዶንታ ኦሳካ ኤፍቴል
 ታማርሲዴሰ። ዳሮ ለሚሶታ ፒልጊ ጸሊዳፔ ጉዬን ማራን ማራን
 ገግሲዴሰ።

10 ኤፍንታዚ ሱሬ ቃላ ዴማናሰ ፒልጊዴሰ፤ ኢዚ ጸፊዳይሲ
 ሱሬኔ ቱማ።

11 ኦጶ ኤፍንታ ቃላይ ጨካ ማላ ሆጼ፤ ቃሴ ኢዛ ቶሴቲካ
 ኦዳፌ ጲሽኬቲዳ ጲሽኬ ማላ፤ ሄይቲካ ኢሲ ሄንፋንቻፌ
 ኢሜቲዳይታ።

12 ታ ናዘ! ሃ ኡባፌ ቦላራ

ኦይ ሚሻፌካ ናጌታ፤
 ኦይኮካ ጉጆፋ፤
 ዳሮ ማጻፋታ ጸፊኮካ
 ዉርሴላ ዴና፤

- ደናቴ ዳሮይ ቦላ ዳቡርሴስ።
- 13 ሄኮ ኡባ ሚሺ ዮቴቲዴስ፤
 ዮኦ ኡባስ ኩሺ ሃይሳ፤
 ጸሳስ ያያ፤ ኢዛ ኣዛዞ ናጋ፤
 ሄሲካ ኣሳ ናስ
 ኢሜቲዳ ኩሜላ ኦሶ።
- 14 ጸሳይ ኦሶ ኡባ ቦላ፥
 ጌሚዳ ዮኦ ኡባ ቦላ፥
 ሎኦ ጊዲን
 ኢታ ጊዲንካ ፒርዳና።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b